

nus non sunt induiti **Iesum Christum dominum nostrum**, super cuius nouam uestem ueteres pannos induit. **Exutu**-
tum enim uetrem hominem, in nouitate uitæ manedum est.

CAPUT XIII.

Infirmum autem in fide assumite, nō in di-
sceptatione cogitationum.) Quoniam ex
Iudeis erant qui Romanos ad nomē Chri-
sti assumpserant admixta lege, sicut in pri-
mordio epistolæ memorauī, ideo quibus-
dam uidebatur prohibitam carnem edere
non debere. Aliquis autem qui sine lege Christum se-
quebantur, uidebatur contra legem licere edere. Et per
hoc ipsum disceptationes erant inter eos, quas Aposto-
lus concordia & saluti studens, diuina disputatione au-
fert, ostendens neq; edenti prodesse apud deum, neq; nō
edenti obesse. **Infirmum esse dicit qui propterea quod Iu**
dæi prohibiti sunt, timet edere. Hunc ergo remitti iudi-
cio suo, ne scandalum passus à charitate, quæ quasi ma-
ter est animarum, recedat cum mētis perturbatione, cū
Christiani pacifici debeat esse & quieti. ¶ Alius enim cre-
didit edere omnia.) Hic fiducia lectionis non dubitat
omnia edenda, quæ data sunt humanis usibus. Legit e-
nim in Genesi, omnia bona ualde esse quæ creauit de-
us, ideo nihil reisciendum, quia nec Enoch qui primus
deo placuit, neque Noë qui in diluvio solus iustus inuen-
tus est, neque Abraam ille amicus dei, aut Isaac aut Ia-
cob iusti & dei amici inter quos & Lot fuit, aut ceteri
iusti ab his abstinuisse leguntur. ¶ Is uero qui infir-
mus est olera manducet.) Igitur quia hoc putat ut il-
le olera edat, ideo suadendum non est ut carnem e-
dat, ne cum scrupulo edat & uideatur peccare, quia
propositum suum non custodit. ¶ Itaque qui edit,
non edentem non spernat, & qui non edit edentem
non iudicet.) Quia uoluntatis est edere aut non e-
dere, ac per hoc questio hinc fieri non debet. Ad hoc

K 4 enim

enim facta sunt omnia ut uoluntati subiaceant, quia domino humano subiecta sunt. ¶ Deus autem illum assumpsit.) Assumptus à deo est, qui ad gratiam uocatus est. ¶ Tu quis es qui iudicas alienum seruum, suo domino auctoritate cadit.) Manifestum est seruum non debere conservi uoluntatem iudicare, cui lex in hac parte tradita non est. Nam qua conscientia edat aut non edat, deus iudex est cuius seruus est. ¶ Stabit autem, potens est enim deus statuere illum.) Stabit, inquit, domino suo, propterea quia neque si edat reus erit, neque si non edat culpabilis, si tamen deuotione hoc agat, non euitans hanc uelut contrariam. ¶ Nam aliud quidem iudicat diem inter diem.) Hoc est alicui placet interpositis edere. Nam sunt quidam qui quarta feria carnem non edendam statuerunt, sunt qui sabbatis, sunt iterum qui à pascha usque ad p̄petuosten edant. ¶ Alius autem iudicat omnem diem.) Hic omnem diem iudicat, qui nunquam edet. ¶ Unusquisque in suo sensu abundet.) Hoc est unusquisque suo cōsilio remittatur. ¶ Qui sapit diē, domino sapit.) Verū est, quia qui semper abstinet se, deo placere se putat. ¶ Et qui edet, dominino edet.) Domino edet, ga gratias agit creatori. ¶ Et qui non edet, dominino nō edet, & gratias agit deo.) Gratias agit, dum fatetur dei esse creaturam & bona creata, sed se dissimulat ab ea non condemnare.

Nemo enim nostrum sibi uiuit, & nemo sibi moritur.) Sibi uiueret aliquis, si non ageret sub legge. At qui freno legis moderatur, non sibi utique uiuit, sed deo qui legem dedit, ut secundum uoluntatem eius uiuatur. Et qui moritur simili modo deo moritur, quo iudice aut coronabitur aut condemnabitur. ¶ Siue enim uiuimus domino uiuimus, siue morimur, domino morimur.) Idem est sensus. ¶ Siue ergo uiuimus siue morimur domini sumus.) Verū est, omnes nos domini quasi seruos in conditione & redemptoris dominio, & unū quęque pro merito suo tractari. ¶ In hoc enim Christus & uixit & mortuus est & resurrexit, ut & mortuorum & uiuorum dominetur.) Per Christum dominum facta est

LXXXI

creatura, quæ per peccatum alienata est ab autore, facta
 captiuæ: quam deus pater ne opus eius periret, misso fi-
 lio suo de cælis ad terras, docuit quid faciendo manus pi-
 ratarum effugeret. Propter quod & occidi se passus est
 ab inimicis, qui descendens ad inferos innocens erat oc-
 cisis, ut reum faceret peccatum, ut quos tenebat apud in-
 feros amitteret. Quoniam ergo uiuïs ostendit viam salu-
 tis ac se obtulit pro eis, mortuos uero liberavit de infer-
 no, tam uiuorum quam mortuorum dominatur: ex per-
 ditis enim iterum reformauit sibi illos in seruos. ¶ Tu
autem quid iudicas fratrem tuum in non edendo, aut tu
quare spernis fratrem tuum in edendo, omnes enim sta-
biunt ante tribunal Christi.) Docet enim non oportet
 re iudicare, hac re, quia non continentur in lege, propte-
 rea cum deum iudicem exspectemus. ¶ Scriptum est em, Esa. 45
Viuo ego dicit dominus, quia mihi flectetur omne genu
& confitebitur omnis lingua deo.) Hoc in Isaia scriptum
 est, quia omnis lingua confitebitur deo in fide Christi.
 Nam quia occisus resurrexit futurus iudex, recte ait: Vi-
 uo ego dicit dominus, & non solum uiuo sed & iudica-
 turus sum, & inimici fatebuntur in me, & genu flectent
 cognoscentes me deum deo. ¶ Itaq; unusquisque no-
 strum pro se rationem reddet deo.) Quoniam, inquit,
 nos pro nobis iniucem reddituri sumus rationem, non
 nos in hac parte quæ suprascripta est alterutru cōdem-
 nemus. ¶ Non ergo amplius iniucem iudicemus. Id est,
 scientes hoc, cessemus à discordia. ¶ Sed in hoc iudicate
 magis ne ponatis offendiculum fratris uel scandalum.)
 In eo iudicandum monet quod profit, quod potest & au-
 toritate legis defendi. Nulli autem fratribus carnem edē-
 ti aut non edenti fiat scandalum.

SCIO & confido in domino, quia nihil commune
 per ipsum.) Manifestum est, quia saluatoris bene-
 ficio omnia munda sunt, qui de subiugo legis eru-
 ens homines & iustificans, reddidit statum pristinū li-
 bertatis, ut digni sint uti tota creatura, sicut & ueteres
 sancti. Qui autem adhuc sub lege sunt, non licet illis uti

K 5 aut

154 COMMENT. D. AMBRO.

aut edere quæ prohibet lex, quia indulgentiam datam spernunt. Non enim secundum naturam suam, sed cum contra edictum eduntur immunda sunt. Deniq; in lege ait: Erunt immunda uobis. ¶ Ei plane qui existimat aliquid esse commune, illi commune est.) Siue qui ex Iudeo Christianus est, siue gentilis fidelis putat esse aliquid tale uitandum, ipse est quem scriptura infirmum dicit. Dubitando enim est infirmus: apud istum immundus est qd; putat non edendum: & quia non hoc superstitione facit sed timore, suo iudicio remittendum.

1.Cor.6

Eph.2

Eze.33

Nam si propter escam frater tuus contristatur, iā non secundum charitatem ambulas.) In alia epistola dicit: Esca uentri & uenter escis, hunc & hanc deus destruet. Quia nō de esca aut placet quis deo aut displicet, ideo charitatem sectādam monet, qua nos deus liberare dignatus est. Sic enim ait: Deus autem propter charitatē nimiā misertus est nostri. Qui ergo huius beneficij memor est, hanc excusat nec illi aliquid anteponit, sed prætermittit maxima, quæ scit promissionem nō parare apud deū. ¶ Noli cibo tuo perdere illum, pro quo Christus mortuus est.) Quantum ualeat salus fratris ex morte Christi cognoscitur. Itaq; qui scit quātū constet, confirmare illum debet, non scandalizare, ut ex re friuo la faciat illi scrupulum, & incipiat hesitare an manducanda caro sit nec ne, qui forte simpliciter edebat, securus de conscientia sua. At uero cum adeunt controuersiæ incipiunt perturbatione in dei creaturā peccare, & erit in iniuriam creatoris quæ proficiet ad perditionem dubitatis. ¶ Nō ergo blasphemetur bonum nostrum.) Hoc est, doctrina dominica cum sit bona & salutaris, non debet per rem friuolam blasphemari. Blasphematur autem cū dubitatur de dei creatura. Poteſt & ſic intelligi bonum nostrum blasphemari, quia qui bona opera habet ſi in alia reprehendatur re minima, bonum illud ſuum obfuscat, & incipiet bonum eius blasphemari per malū eius, ſicut scriptum eſt in Ezechiel. Iuſticia iuſti non proficiet ſi errauerit. Tale eſt, ſi quis decorus forte habeat in fronte aut

re aut nasum collisum unde deformetur species eius:
Ideoq; illa monet sectanda, quæ bonis reliquis non tollant fauorem. (No est enim regnum dei esca & potus.) Manifestum est, quia nemo per escam placet deo aut displicet. (Sed iusticia & pax & gaudiū in spiritu sancto.) Hos in regnum dei dicit intrare, qui iusticiam sequuntur, sed Christianam habentes pacem quam dominus dedit dicens. Pacem autem meam do uobis, pacem relin quo uobis, ex quo oritur gaudium in spiritu sancto. Disceptatio autem non habet gaudium sed iram, ideo non illic respicit spiritus sanctus, quia gaudet in solis pacificis. Sicut enim ex nobis cōtristatur, sic & gaudet de nobis. (Qui enim in hoc seruit Christo, placet deo, & probatus est hominibus.) Quoniam Christus nos redemit, ideo ait: Qui in hoc seruit Christo, quasi redēptori placet deo. Quare? Quia ipse misit Christum ut redimeret genus hominum, sicut ipse dominus ait: Qui non honorificat filium, non honorificat patrem qui misit illum. Qui ergo placet deo probatus est hominibus. Quomodo? Acceptit enim donum per quod apparcat dignus deo. (Itaque quæ pacis sunt sectemur, & quæ aedificationis sunt inuicem custodiamus.) Quoniam disceptatio discordiam parit, ideoque ut pacifici esse possimus, ab intentione edendi aut non edendi dissimulare nos docet. Aedificationis autem uiam sequi hortatur, ut cum pace ea conferamus, per quæ inuicem nos aedificemus, ab his quæ infructuosa sunt & magis contraria declinantes. Collatio enim potest prodeste. Est enim excitans mentem, si tamen uincendi studium contemnatur, hoc est enim quod parit litem. (Noli propter escam soluere opus dei.) Homo opus dei est, & iterum opus dei est dum reformatur per regenerationem: Et esca opus dei est, sed non homo propter escam, sed esca propter hominem. Multum enim distat: Ideo noli, inquit, hoc opus dei quod clarum est dissoluere propter quod humillimum est, hoc est, salutem fratris studere, non curram escas agere ut fratrem contristes. Beneficium enim

Ioan.14

Ioan.9

dei

dei irritum facit qui fratrem liberatum à peccato per disceptationem rursus prouocat ad peccātūm, soluens in ipso opera Christi quē gessit ut hominē à peccato libera ret. ¶ Omnia quidem munda sunt.) Verum & manifestū est omnia munda esse. Quippe cū in Genesi legat, omnia quæ deus fecit esse bona ualde. ¶ Sed malum est hominī qui per offensionem edit.) Cum ergo per naturam omnia bona & munda sint, dubitantibus tamen fiunt im munda, & erit illi offendiculum qui cum dubitat, edit tamen immunda conscientia, quia quod sibi inutile putat facit, ideo nulli contradicendum est quid in hac re se quatur. ¶ Bonum est non edere carnem, & non bibere uīnum.) Cum de sola carne ageret, adiecit & potum: ut cōfoueat eos qui ab his abstinent, per id quod licitum est & carnem edere & uinum bibere, ne contristarentur ab illis qui his utuntur, dedit eis respirādi solatium, ut & in uoluntate sua quiescerent, & disceptatio per quā discordia fit cessaret. Cum enim non latet bonum esse & carnē edere & uinum bibere, & econtra carnem non edere & non bibere uinum bonum esse, addiscunt, nemo litigat. Creatura enim data est ad usum uolentibus, non tamen necessitas est imposta aut uolenti aut nolēti. ¶ Neq; cū in quo frater tuus offendit aut scandalizatur aut infirmatur.) Eadem dicit non debere fratri qui infirmum animūm sibi constituit ad edendum fieri quæstionem, ne perturbatus offendat nesciēs quid teneat. ¶ Tu fidei habes penes temetipsum, habe coram deo.) Hoc est, tu quis es qui edes securus, quia creatura dei bona est, non opus est ut de altero iudices, quia plus est ut pacem habeas cū fratre. Hoc enim utile est apud deum. In esca enim utilitas carnis est, in pace uero & carnis & animæ, ac per hoc ab huiusmodi disceptatione cessandum est, ut unusquisque in proposito cordis sui maneat. ¶ Beatus qui non iudicat semetipsum in eo quod probat.) Vnumquenq; proprio iudicio censet condemnandum, qui quod dicit nō debere se facere facit, & hunc beatum qui nō aliud facit q; sibi utile probat. ¶ Qui autem discernit quid ediderit damna-